

BOSNA I HERCEGOVINA
FEDERACIJA BOSNE I HERCEGOVINE
VRHOVNI SUD
FEDERACIJE BOSNE I HERCEGOVINE
Broj: 65 0 P 618452 17 R
Sarajevo, 06.02.2017. godine

Vrhovni sud Federacije Bosne i Hercegovine u Sarajevu, u vijeću sastavljenom od sudija Nezirović Gorana, kao predsjednika vijeća, Sadović Amire i Malešević Snježane, kao članova vijeća, u pravnoj stvari tužitelja B. N., Ulica, S., protiv tužene T. N., sudije Općinskog suda u S., odlučujući o prijedlogu Općinskog suda u Sarajevu da se za postupanje u ovom predmetu odredi drugi općinski sud u drugom kantonu, u sjednici vijeća održanoj dana 06.02.2017. godine, donio je

R J E Š E N J E

Za odlučivanje u ovoj pravnoj stvari određuje se Općinski sud u Visokom.

O b r a z l o ž e n j e

U podnesku od 25.01.2017. godine Općinski sud u Sarajevu predložio je da se za postupanje po tužbi tužitelja u predmetu broj: 65 0 P 618452 16 P odredi drugi općinski sud iz razloga što je kao tužena označena T. N. koja obavlja funkciju sutkinje Općinskog suda u Sarajevu, zbog čega postoje opravdani razlozi za postupanje drugog suda

Prema odredbi člana 50. stav 2. ZPP propisano je da Vrhovni sud Federacije BiH može na prijedlog stranke ili nadležnog suda odrediti da u pojedinom predmetu postupa stvarno nadležan sud u drugom kantonu, ako je očito da će se tako lakše provesti postupak ili ako za to postoje drugi opravdani razlozi.

Ovaj sud nalazi da je prijedlog osnovan, jer okolnost da tužena obavlja funkciju sudije Općinskog suda u Sarajevu, koji je ujedno i jedini sud u Kantonu Sarajevo, opravdan je razlog za određivanje stvarno nadležnog suda u drugom kantonu, pa je na osnovu odredbe člana 50. stav 2. ZPP riješeno kao u izreci.

Predsjednik vijeća

Nezirović Goran,s.r.